

秋瑾史跡

宋庆龄題

秋瑾史蹟

1

中華書局上海編輯所編輯出版

秋 瑾 史 跡

*

中華書局上海編輯所編輯

(上海福州路7號)

中華書局出版

(北京東總布胡同10號)

北京市書刊出版業營業許可證出字第17號

三泰橡皮印刷廠印刷 新華書店總經售

*

787×1092 1/16 • 17 1/4 印張 • 4 插頁 • 32,000 字

1958年9月第1版

1958年9月上海第1次印刷

印數：1—2,000 定價：5.40元

統一書號：11018.102 58.9, 滬版

为革命而
英勇牺牲
秋瑾烈士
永垂不朽

吴玉章

1958.9.9.

序

秋瑾烈士是中华民族觉醒初期的一位前驱人物。她是一位先觉者，要把自己的生命奉献了给反封建主义和争取民族解放的崇高事业。她在生命和死亡都起了很大的推动作用。

我在一九四二年七月十日曾经写过一篇文章，叫《娜拉的答复》，便是纪念她的。

那时是住在抗日战争时期中的重庆，
苦于找不到多的材料。

大家都道「娜拉」是近代剧作家易卜生
的名剧。娜拉就是那剧里的女主人翁，她从
玩偶生活^中觉醒起来，抛弃了伪善的丈夫，
并抛弃了家产而告走了。后来怎样？
没有答案。

我初为秋瑾所写的娜拉，正是「娜拉」的答

果。求得應有的知識與技能，以謀生活的
獨立，並社會的復興，故中爭不婦女自身的
解放，在社會的復興解放中，婦女應負的任務，
為完成這些任務，不惜以自己的生命作犧牲，
——這就是那苦難的自守。

雖然，為下生自己不曾寫出的苦難，能理用
自己的生命替他守着了。

我的這個見解，在今天來看，仍極珍貴

着是不偏的。秋瑾不仅为民族解放运动，并
为妇女解放运动，树立了一个先觉者的典
型。

但我在十年前写那篇文章时，资料
非常缺乏。今天的情况大不相同了。这部列
士革命史蹟，既收罗了这么多的资料，
秋瑾是值得我们作进一步的研究的。有
了这部革命史蹟，我相信，谁也不会

再有一个米之炊的妙法了。

我们欢迎这本书的出版，并希望继续
去，后边还有其他的烈士的革命史蹟
继续问世。

一九五一年九月十二日

郭沫若

秋瑾傳

秋瑾，字璿卿，別號競雄，又稱鑑湖女俠。浙江會稽人（家居紹興府城南門，屬會稽縣界，）隸籍山陰。幼隨其父宦於閩，旋復隨父入湘，年十八，嫁湘人王廷鈞，廷鈞入資爲部郎，需次京師，瑾與之俱，生有子女。旋與廷鈞定約，分家產，瑾得萬金，卽以之經商，所託非人，盡耗其資。又與廷鈞不睦，同鄉戚屬陶大均（會稽人）、陳靜齋（山陰人）等爲之和解，不得，乃盡以其所有首飾，託大均妾荻意爲變賣，集資東渡日本留學；值寧河王照以戊戌案自首，繫刑部獄，瑾聞之，出所集得留學費送入獄，以濟其急，并囑使者勿以其名告之。逮照出獄，始悉其事。瑾之天性義俠常如此。瑾東渡之時，爲甲辰三月。既到東京，卽入中國留學生會館日語講習所學習日語，因與某某等十人相結爲秘密會，以反抗清廷、恢復中原爲宗旨。瑾既與陳靜齋有戚誼，故到東京後卽與其子相識。是時，敖嘉熊、魏蘭、陶成章、龔味蓀等在浙東西秘密運動有年，甲辰冬，成章以事東渡，成章與陳氏子爲同學，瑾

因之以識成章。日語講習會終，瑾將還里省親，因叩成章所運動事，成章盡以其所歷告之，瑾乃索爲介紹，成章以其爲女子，不便，然亦難竟拒之，遂爲介紹同人機關二處，一函致上海「光復會」會長蔡元培，一函致紹興徐錫麟。瑾既返滬，即謁元培於愛國女學校，旋往南京欲運動資本家辛某之子漢無效，乃復歸滬。由滬旋紹，見錫麟於熱誠小學校。錫麟即紹介瑾入「光復會」，是爲乙巳六月間事。瑾之歸也，本爲籌學費計，既抵家，求給於母，母固深愛其女，然家徒擁虛名，實不中貲，爲勉籌數百金付之。瑾既得金，又至滬，會成章亦歸上海，遂偕瑾見處州辦事丁鏞呂熊祥等，瑾出紹興同志公函，促成章歸。己復東渡，罹疾數月，愈後入青山實踐中學校。會錫麟、成章等在紹興運動有得，皆先後來日本，錫麟攜其妻王氏即名振漢者同來，瑾爲之招拂一切。是時，取締規則風潮起於學界，學生咸倡歸國之議，瑾亦主張之，因結敢死隊，瑾又爲其指揮，紛擾者匝月。湖南陳天華蹈海死，瑾亦從此逝矣。瑾之再歸也，成章復爲紹介於敖嘉熊，得轉薦潯溪女學校教員，與女學生感情不洽，辭去。屢至上海。上海有中國公學者，本係取締規則歸國學生所倡設，瑾於此校助力甚多，由是瑾之信義，著於遐邇。會稽陳伯平本爲大通學校學生，常偕錫麟遊日本，因與瑾識，志願暗殺，瑾因薦爲中國公學教員，居中聯絡。會錫麟

需次安慶，賴其姻俞廉三力，甚得巡撫恩銘信任，爲陸軍學校會辦，實與伯平、瑾遙爲應援。初，平陽陳華偕其兄蔚留學東京，因識味蓀。乙巳之歲，董鴻禕（字恂士，浙江人）自爪哇函請秀水王嘉桀、仁和湯調鼎前往爪哇理學務，調鼎却不往，味蓀因薦華，華得與嘉桀同赴爪哇。丙午夏，嘉桀、華先後返國，瑾之識華也亦由味蓀紹介之。華勸瑾赴爪哇與女學，瑾許之，以告成章、味蓀，成章、味蓀力止之勿行，乃止。瑾又倡一女報於上海，既又與伯平等租屋虹口祥慶里，制炸藥，忽爆發，伯平傷目，瑾傷手，是爲丙午八月間事。是歲冬，萍鄉革命軍起，「光復會」會員集議上海，欲起兵爲援，瑾與議焉。瑾以浙事自任，乃還紹興，入居大通學校。大通學校爲金、處、紹三府諸會黨人薈萃之所，瑾既入居大通，與諸黨人約，俟湘人舉事後，卽出爲應援。謀既定，乃親走內地，由諸暨道義烏至金華。至金華府城之日，爲十二月十九日，寓於金阿狗家。未幾，歸紹興。上海同議黨人楊卓林（湖南人）等殉義於南京，胡□（按此係指胡瑛）等被繫於湖北，寧□□（按此係指寧調元）等見拘於湖南，接應之舉，頓成瓦解。瑾聞益憤，乃始謀獨力舉事矣。丁未正月，大通學校因辦事乏人，公舉瑾爲督辦，開學之日，郡守及山會兩邑令皆蒞堂致頌詞，郡守貴福并贈瑾對聯一，聯曰：「競爭世界，雄冠地球。」瑾於是益得暢所欲言。正二月

間，瑾屢往來杭滬，運動軍學兩界，其方法不外藉會黨之聲氣，以鼓舞軍學界，復以軍學界之名義，歆動會黨，而以大通學校爲其中樞。三月間，瑾又親歷金、處諸邑兩次，既歸，大通乃改約束，頒號令，分「光復會」職員爲十六級，以七絕詩一首爲表記。詩曰：「黃禍源溯浙江潮，爲我中原漢族豪，不使滿胡留片甲，軒轅依舊是天驕。」凡從黃字起，訖於使字，皆有表記。例如黃字爲首領，首領五人，即以推錫麟等。禍字爲協領，無定員，瑾自居協領。源字爲分統，以洪門首領任之。溯字爲參謀，以洪門紅旗等任之。浙字以下爲部長、副部長等職，各職員均以金指環爲記，指環中文字即以己職銜之代名詞籍入之，或以A B C等英文字母代之。其勢力所及，上達處州之縉雲，互金華全府，而下及於紹興之嵊縣，金華府之金華、蘭溪、武義、永康、浦江五縣，實爲其中心。是月之末，風潮起於縉雲、武義、永康之間，大通學校職員縉雲趙卓復至武義一帶運動，即公舉本城紳士劉耀勳督辦黨軍。四月初，瑾復編制各洪門部下爲八軍，用「光復漢族，大振國權」八字爲八軍記號。因與諸同事定議，先由金華起義，處州應之，俟杭城清兵出攻金、處，即以紹興義軍渡江以襲杭城，軍學界爲內應。若攻杭城不拔，則返軍紹興入金華道處州出江西以通安慶。既謀而行，定期以五月二十六日，未幾易爲六月初十日，金華諸處

仍爲二十六日之期。五月初，紹興黨人裘文高遽召台州義軍由東陽至嵊縣，紮營西鄉，樹革命軍旗幟。二十一日武義黨案發。二十三、四日金華黨案又發。當風潮急時，瑾使伯平赴安慶告錫麟，錫麟知事急，乃於五月二十六日乘機殺恩銘，清廷震駭，大索黨人，於是大通學校遂陷於四面楚歌之中。郡守貴福，於二十七日進省面稟巡撫張曾敷，曾敷以問巨紳湯□□（按當是湯壽潛），□□素惡瑾，力慫惑之，曾敷之意始決，乃遣貴福先返紹興。五月晦，瑾始知安慶事，坐泣於室。六月朔，諸生相議早日舉事，先殺貴福，佔領紹城，而後再圖其餘。瑾必欲待六月十日，遣學生二十餘人往杭城分頭埋伏，以爲內應。六月三日晨，杭城武備學校學生以密書至，言清兵已發，速爲定謀抵制。衆學生又集議於堂，卒無成議，因之散去者復有數十人。初四日午前九時，王金發自嵊縣來，與瑾商酌十日舉事之約。午膳畢，從容而去。未幾卽有黨軍偵探隊歸報瑾，言清兵已來，瑾使再探，回報往東浦，瑾信爲然。已而清兵進城，衆學生又集議，勸瑾出奔，瑾不答，學生散去者又數人。清兵既至學堂前，不敢遽進。是時學生之留者尚有十餘人，於是有出後門而游泳以逸者，亦有出前門持軍械以拒敵者，出清兵不意爲學生擊死者數人，傷者數人，學生死者二人。瑾居內舍，爲清兵所執，同時被執者六人：曰程毅，曰徐頌揚，曰錢應

仁，曰呂植松，曰王植槐，曰蔣繼雲。貴福使山陰令李宗嶽訊瑾，瑾無一語。翌晨殉義於紹興軒亭口。友人收其遺骸，葬之西湖，清吏惡之，將平之數，恐激民變，乃陰囑其兄桐出名，遷柩以還紹興。己酉冬，其子自湖南來，遷瑾柩歸湖南，蓋將與其夫廷鈞合葬也。瑾死時年三十一（按徐自華鑑湖女俠秋君墓表作年三十三）。程毅字翹仙，河南修武人。文生。爲河南高等學校學生。尋至上海入中國公學。秋瑾聘爲大通學校教員，任之甚專，每事必與商榷，然一切情形未悉，不能有所佈展。既見執，清吏刑訊，備極慘酷，毅性強毅，堅不供實，清吏無奈之何。己酉夏，卒於獄，屍出，鱗傷遍體，見者酸鼻，多有淚下至不能含云。

贊曰：秋瑾席諸黨人已成之業，發揮其手腕，改弦而更張之，未及三月，而難作，竟以身殉。記曰：「謀人之邦國，敗則死之。」秋瑾有焉。程毅以羈旅之身，倏遭厄難，受嚴刑之訊，體無完膚，詞不連人，卒斃獄中，其志可壯，其情亦可憫矣。詩曰：「我心匪石，不可轉也，我心匪席，不可捲也。」程毅有焉。（錄自「辛亥革命」三「浙案紀略」）



秋瑾烈士遺影一



秋瑾烈士遺影二